

NAKON DOMA NARODA I PREDSTAVNIČKI DOM PARLAMENTA FEDERACIJE BIH PODRŽAO PRIJEDLOG ZAKONA O IZMJENI I DOPUNI ZAKONA O IZVLAŠTENJU

27.10.2015 12:18



Nakon Doma naroda Prijedlog zakona o izmjeni i dopuni Zakona o izvlaštenju usvojio je i Predstavnički dom Parlamenta Federacije BiH, na svojoj 10. izvanrednoj sjednici, održanoj 23. 10. 2015. godine, ali uz jedan amandman, i to onaj kojim se briše amandman I delegata u Domu naroda g. Admira Hadžipašića, koji je Vlada Federacije BiH prihvatile i koji je kao takav postao sastavni dio Prijedloga zakona, što znači da su Dom naroda i Predstavnički dom Parlamenta Federacije BiH Prijedlog zakona o izmjeni i dopuni Zakona o izvlaštenju usvojili u različitim tekstovima, tako da će konačan tekst ovoga zakona biti predmet usaglašavanja zajedničke komisije oba parlamentarna doma.

Poslanici u Predstavničkom domu Parlamenta Federacije BiH nisu prihvatili opredjeljenje delegata u Domu naroda i odbili su podržati prijedlog da se član 3. važećeg Zakona o izvlaštenju dopuni tako da se eksplikite propiše mogućnost izvlaštenja za potrebe izgradnje poslovnih i industrijskih zona. Ovu mogućnost smatrali su previše rizičnom i cijenili su da bi takva odredba stvorila prostor za razne zloupotrebe.

Kako su dva parlamentarna doma Prijedlog zakona o izmjeni i dopuni Zakona o izvlaštenju usvojila u različitom tekstu, slijedi usaglašavanje konačnog teksta ovoga zakona, što je u nadležnosti zajedničke komisije oba doma, u skladu s poslovcima domova.

Budući da je Prijedlog zakona razmatran po hitnom postupku, kao obrađivač očekujemo da na isti način postupi i zajednička komisija dvaju parlamentarnih domova, te da nakon usaglašavanja u kratkom roku stupe na snagu izmjene i dopune Zakona o izvlaštenju, koje će, s jedne strane, olakšati provođenje postupaka izvlaštenja u praksi, a, s druge strane, Vladi Federacije BiH ponovo osigurati efikasan alat radi sprečavanja mogućih blokada u procesu realizacije najvažnijih projekata od javnoga interesa.

